



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

IX. De praebendis.

urn:nbn:de:hbz:466:1-15653

Sententias vero prædictas in Synodis episcopali-
bus & frequenter in ecclesiis parochialibus volu-
mus & præcipimus publicari.

VIII.

Canonici & ecclesiarum socii suis episcopis personaliter assistentes , non debent absentes ab ecclesia reputari : ideoque iure prouisum est ne eis , dum in seruitio episcoporum fuerint , beneficiorum sacrorum redditus subtrahantur. Propterea statuimus , vt nullus a præbendarum suarum perceptione eos audeat impedire. Capitula vero quæ hoc adimplere renuerint , ad obseruantiam iuris illius per suos prælatos districtius compellantur.

IX.

Cum secundum statuta Canonum vna ecclesia vnius debeat esse rectoris , nec beneficia ecclesiarum debeant diuidi in plures partes , nisi adeo ipsarum ecclesiarum facultates abundant , quod de eis sufficenter possit pluribus seruitoribus prouideri: volentes diuisiones beneficiorum , quæ plerumque sine rationabili causa fiunt , iuris auxilio refrenare , statuimus vt in qualibet ecclesia vni cura ipsius ecclesiæ principaliter per eum , ad quem de iure pertinet , committatur , cui per prouidentiam prælati taliter prouideatur , quod redditibus ecclesiæ possit honeste viuere , & onera curæ & alia incumbentia supportare. In ecclesiis autem , in quibus beneficia indebite sunt diuisa , cum pluribus clericis ipsarum ecclesiarum nec sufficient facultates , quando portiones huiusmodi

ANNO
CHRISTI
1322.

ANNO CHRISTI 1522. vacare contigerit, vniuantur & assignentur curato, donec, vt præmissum est, prouisionem habeat competentem.

Cum in personis ecclesiasticis ad sacros ordines & beneficia curam animarum habentia promouendis id honestas maior requirat, & amplius desideretur peritia literarum ; statuimus vt nullus deinceps clericus ad sacros ordines promoueat, nisi saltem literaliter sciat loqui. Quod si forte secus actum fuerit, prælatus a collatione sacrorum ordinum, quos tali contulit, & promotus ab executione suscepit ordinis per annum nouerint se suspensos, nisi ex causa rationabili & multum necessaria, quatenus de iure conceditur, prælatus super hoc viderit dispensandum.

In ecclesiis tot secundum Canones instituendi sunt clerici, quot possint de earum redditibus comode sustentari. Ideoque statuimus, vt episcopi, eorumque superiores diligenter attendant, vt tot clericos in ecclesiis ordinent, quot sustentari possint de prouentibus earumdem, ne clerici sua numerositate vilescant, & propter facultatum insufficientiam mendicare cogantur in opprobrium ordinis clericalis. Et vt hoc efficacius obseruetur, volumus & mandamus vt prælati infra annum, aut saltem infra biennium, cum consilio discretorum ordinent & prouideant, ipsamque prouisionem in scriptis redactam apud se conseruent, quot clerici ad titulum cuiuslibet ecclesiæ iuxta ipsarum redditus poterunt ordinari. Prælatus vero quicumque, qui prædicta obseruare neglexerit, pluresque quam

Concil. Tom. 29.

L ij

vt præmittitur , ad ordines promouendo, vel promoueri per alium faciendo , per annum a collatione illius ordinis, quem contra hoc nostrum prohibitionis statutum contulit, in archidiaconatu illo vel abbatia , vnde clerici taliter ordinati fuerint , eo ipso nouerit se suspensum.

Religiosos decet ab omni calliditate & fraude seipso retrahere , & omnimodam puritatem in suis actibus obseruare. Quia tamen nonnulli religiosi non solum clerici , sed etiam laici militares, vt quorumdam assertione perceperimus, habitum sui ordinis sæcularibus clericis fraudulenter conferunt, & clericis per episcopos institutis in ecclesiis locorum , vbi dicti religiosi temporale dominium obtinent, vel partem aliquam recipiunt decimarum, exinde violenter expulsis , clericos illos quibus huiusmodi habitum contulerunt , propria temeritate instituunt , & ministrare faciunt in eisdem ; quidam etiam eorumdem religiosorum clericos sæculares per episcopos in ecclesiis parochialibus ad ipsos episcopos pertinentibus institutos habitum sui ordinis induunt, & ibidem eos ministrare faciunt , vt sic in locis ipsis ecclesiis, earumque redditus suis usibus valeant applicare : nos has fraudes & violentias detestantes , statuimus vt quicumque religiosi fraudes aut violentias attentare præsumpserint , in sententiam excommunicationis incident ipso facto , a qua nullatenus absoluantur , donec prælatis & ecclesiis, quos per prædictos excessus læserant, satisfecerint competenter.

Clandestinæ & occultæ beneficiorum collatio-

ANNO
CHRISTI
1522.

ANNO
CHRISTI
1522. nes, quas nonnulli prælatorum & aliorum ad quos
beneficiorum suorum spectat collatio, faciunt, ma-
gnam in ipsis beneficiis varietatem & sic in sinistram
suspicionem inducunt, dum beneficia ipsa quorum
collationes probari non possunt, per eosdem præ-
latos plerumque aliis conferuntur, & ob hoc super
ipsis beneficiis inter eos, quibus taliter collata fue-
rant, quæstiones & litigia oriuntur. Ut igitur circa
hoc fraudis & varietatis materia amputetur, sta-
tuimus ut cum ecclesiasticorum beneficiorum col-
latio fieri debeat, fiat in capitulo, si consuetudo id
obtinet, vel coram notario publico, aut testibus
fide dignis, vel cum patenti ipsius prælati litera, vel
alterius, seu aliorum quorumcumque ad quos be-
neficiorum spectat vel spectare debet dicta colla-
tio, præsentibus testibus in litera ipsa collationis
insertis, per quæ probari possit collatio, & de ea
nullatenus dubitari: alias volumus quod collatio
ipsa nullius obtineat roboris firmatatem, seu nullius
penitus sit momenti.

X.

Parochiarum diuisio a sanctis patribus instituta
certitudinem parochianorum & decimatum debi-
tam solutionem inducit. Cum vero libertas mutan-
di parochiam per abusum, qui in quibusdam par-
tibus inoleuit, parochianis indifferenter concedi-
tur, parochianis ipsis subtrahendi decimas præsta-
tur occasio, & ecclesiis iniuria in decimatum, pri-
mitiarum, oblationum & aliorum iurium subtra-
ctione damnabile irrogatur: sed quia in plerisque
locis nostræ legationis talis, vt accepimus, inoleuit

L iiij